

**Tertia Seraphica Vinea, Sive Tertius Ordo De Poenitentia
à S.P.N. Francisco institutus**

Pauck, Engelbert

Coloniae, 1720

Caput XVI.

[urn:nbn:de:hbz:466:1-64103](#)

E P I T A P H I U M

In Delubro Basilicæ Assisiensis,
Viri Seraphici, Catholici, Apostolici,

F R A N C I S C I

Romani, celsâ humilitate conspicui,

Christiani Orbis Fulcimenti,
Ecclesiæ Reparatoris.

Corpori, nec viventi, nec mortuo.

C H R I S T I C R U C I F I X I

Plagarum clavorūmque Insignibus
admirando.

P A P A

*Collacrymans, letificans, & exultans,
Jussu, manu, munificentia
posuit*

Anno Domini M. CC. XXVIII.

C A P U T X V I .

In quo Regula, & Statuta Tertiī Ordinis de Pœnitentia; ex Constitutionibus Apostolicis, & Decretis Capitulorum Generalium, Ordinis S. FRANCISCI de Observantia, ab *Innocentio XI.* specificè confirmata, deprompta, & compilata continentur.

XXXIX. P ræmittimus pro firmitate Regulæ, ac statutorum ejus; (quæ infra pluri transribentur) quod Tertius Ordo de Pœnitentia à S. P. FRANCISCO

1221. non ad formam Religionis (prout primus Ordo Fratrum Minorum, & secundus S. Claræ) sed sub certo, ac honesto vivendi, sequē vestiendi modo, pro personis

sæcularibus cuiuslibet statu, & sexu, extra Claustra, in propriis ædibus degentibus institutus fuerit; pro quo Ordine quam plurimæ emanarunt à Sede Apostolica Constitutiones, quæ illius privilegia, & gubernium concernunt, harum principaliores à summis Pontificibus hinc nominandis sunt expeditæ. Quid *Honorius III. & Gregorius IX.* pro dicto tertio Ordine statuerint; videri poterit in litteris: *deteriora. Et minus patenter.* Et cum illorum. Nec non: *cum delicti.* incipientibus. XXX. Martii. XXVI. Maii. II. Augusti. & IV. Junii. annorum 1223. 1229. & 1230. expeditis.

XL. Horum vestigia in elargitione favorum & gratiarum sequendo, *Innocentius IV.* in litteris: *Vota Devotorum.* XIII. Junii datis, hunc Ordinem Ministro Generali, ac Provincialibus Fratrum Minorum regendum, corrigendum, ac visitandum subjecit. *Alexander IV.* in Brevi: *Pia desideria.* XXVII. April. 1255. & *Urbanus IV.* in Brevi: *Pium arbitrantes* V. Julii 1264. Privilegia per suos Prædecessores Tertio Ordini concessa conservando, alia addiderunt; quibus *Nicolaus IV.* ampliorem gratiam adjunxit, dum in Bulla: *Supra montem.* tertium prædictum Ordinem anno 1289. de novo approbavit, & illius Regulam ad meliorem formam reduxit, Ordinisque ejusdem Visitatorem ex Ordine Fratrum Minorum assumi debere per alias litteras: *Unigenitus Dei.* 1290. mature fancivit. Privilegia dicto Ordini tertio de Pœnit. concessa, & concedenda ad Tertiarios (Tertiarias) Visitatorem ex Ordine Fratrum Minorum amplectentes restringendo. *S. Calestinus V.* in litteris, quarum initium est: *Dignum esse.* V. Septemb. 1291. promulgatis. Privilegia Tertiariis Aquilæ auxit, idemque extendit ad Tertiarios Alemanniae in propriis ædibus degentes, pro ut appareat ex litteris: *Devotionis vestra.*

28. Julii. 1296. expeditis. *Gregorius XI.* in Constit. *Tenor quarundam,* *Nicolai IV.* constitutionem anno 1372. ad Tertiarios Diœcesis Leodiensis transmisit; sub quibus ordinationibus ac privilegiis, Alumni hujus Ordinis, usque ad tempus *Bonifacii IX.* in propriis domibus permanserunt. Cæterum sub regime hujus Pontificis permulti in communi, seu religiosa, & claustralí Communitate vivere cœperunt, & Superiores ac Visitatores ex Ordine proprio obtinuerunt; alii verò in communem vitam, & claustralem perfectionem condescendere noluerunt; proindeque sub visitatione, correctione, & gubernio ab *Innocentio IV.* & *Nicolaio IV.* (ut præfertur) præscriptis, sunt conservati. Idque in litteris *Ioannis XXIII.* *Cum privilegiis.* 17. Junii. 1414. expeditis sanctum fuit, & ampliore modo à *Martino V.* in Brevi: *Licet inter cetera.* 9. Octob. 1427. stabilitum reperitur. Licet autem tempore *Eugenii IV.* Tertiarii quidam ex illis (qui in Conventu vivebant) obtinuerint, Vota Religionis emittere, ac Visitatores à summâ Sede habere. Ut constat ex litteris *Clementis VII.* *Ad uberes fructus.* ubi dicitur; Et licet Regula de Pœnitentia per *S. FRANCIS-CUM* instituta, & per *Nicolaum Prædecessorem* approbata [prout in ea appetet] pro Christi fidelibus, Conjugatis, & aliis in sæculo existentibus, ordinata fuerit, & à tempore dicti *Eugenii* Prædecessoris (ut ex ejus litteris prædictis appetet) Fratres Ordinis de Pœnitentia, hujusmodi domos, & loca in communi habitare cœperint: tamen præfatus *Eugenius IV.* in aliis litteris, quarum initium est: *Expositus dilectorum* Tertiarios utrinque sexu in terris Austriacis, & Diœcesi Aquilejensi existentibus, directioni, ac visitationi Fratrum Min. de Obs. anno 1444. subjecit, ac facultatem recipiendi ad Habitum, & Professionem dicti Ordinis, præfatis

fatis Fratribus Minoribus concessit; & id ipsum Fratribus Minoribus de Obs. in Hungaria & Bosnia degentibus, in aliis litteris, sub simili forma incipientibus 31. Janua. 1444. ex certa scientia indulxit; & in Brevi: *Ordinis tui.* Sorores Tertiæ Ordinis in communi in partibus Hispaniæ viventes Ministro Generali Observantium subesse debere Anno 1446. sancivit; idemque *Calixtus III.* in litteris, quarum initium est: *Devotionis vestrae.* 1457. datus pro Terra Sancta decrevit. Item quod Guardianus, sive ejus locum tenens possit quoscunque recipere, & induere Habitum Tertiæ Ord. & instituere inter illos Ministrum, vel Ministram juxta morem Regulæ Tertiæ Ord. in partibus Ierosolymitanis. *Pius II.* 13. Julii. 1462. constitutionem: *Pia Deo.* expedivit, in qua personas utriusque sexus dicti Tertiæ Ordinis, sub receptione, curâ, visitatione, correctione, & Pralatura omnimoda Fratrum Minorum de Obs. Regni Castellæ constituit, omnésque Prædecessorum litteras in contrarium facientes annulavit.

Sixtus IV. 29. Novemb. 1471. litteras: *Sedes Apostolica.* Tertiariis Religiosis Italiam dedit, in quibus privilegia, & exemptionem à gubernio Fratrum Minorum per aliquos Prædecessorum suorum iis concessam confirmavit. Cæterum 15. Octob. ejusdem anni, constitutionem: *Romani Pontificis.* expedivit; in qua universum gregem Tertiæ Ordinis ubique terrarum (juxta dictam *Innocentii IV.* Constitutionem) directioni, visitationi, correctioni, receptioni, ac gubernio Fratrum Minorum supposuit, irritum & inane declarando, quidcunque ab aliquibus in contrarium fieret. Quæ constitutio ad viridem Observantiam fuit redacta quoad Tertiarios Sæculares, & etiam quoad plurimos in communi, aut in Clausura sub III. votis Religionis degentes; ut constat ex aliis

litteris præcedentium confirmativis 26. Octob. 1477. quorum initium est. ex *Apostolica servitutis.* nec non ex sanctione *Innocentii VIII.* qui in Brevi: *Exhibitæ* 5. April. 1492. dato, Judices nominavit, qui Fratres Minores Germaniæ in dicta superioritate conservarent, præfatisque *Innocentii IV.* & *Sixti IV.* constitutiones observari facerent. Colligitur ex aliis litteris *Alexandri VI.* *Rationi congruit.* 26. Aug. 1492. ex constitutione. *Exponi nobis* ab eodem Pontifice 16. Maii. 1500. factâ, in qua concedit Superioribus Observantium, quod possent assignare Tertiariis, ubique ultra Montes commorantibus, Confessores sæculares, vel alterius Religionis. *Julius II.* per quoddam Breve: *Exponi nobis.* præmemoratas *Innocentii IV.* & *Sixti IV.* Constitutiones 15. Octob. 1507. confirmavit, ac per orbem universum observari præcepit. Deinde 8. Februa. 1508. in Brevi: *Romani Pontificis.* declaravit Tertiarios Religiosos Congregationis Lombardie in prædicta sæpius constitutione comprehendi debere. Cæterum pro aliis iterum in alio Brevi: *Exponi nobis.* suas *Innocentii IV.* & *Sixti IV.* litteras, superioritatem hanc FF. Minoribus concedentes 7. Janua. 1509. innovavit. *Leo X.* in Brevi: *Dudum.* 10. Octob. 1519. omnia supradicta in suo vigore, & robore permanere debere, etiam post Decreta, hac super re in CC. *Lateranensi* facta, benignè sancivit, éaque omnia *Clemens VII.* in Brevi: *Dum uberes fructus.* 30. Maii. 1525. Et *Paulus III.* in Brevi: *Ad fructus uberes.* 8. Novemb. 1534. sub amplissima forma confirmarunt. Et quamvis *Clemens VII.* in Brevi: *Ad uberes fructus.* Tertiariis in pluribus Hispaniæ partibus commorantibus, Visitatorem Generalem ex proprio Ordine assumendum 15. Martii 1526. concesserit, ipsumque privilegiis, ac gratis Ministro Gen. Fratrum

H 3

Mino-

Minorum, pro gubernio, visitatione, ac correctione, uti & pro receptione Sæcularium, in propriis domibus, etiam in Matrimonio manentium, ad Habitum & Professionem dicti Ordinis, concessis, frui posse, ac debere disposuerit; tamen præfatus *Paulus III.* in Brevi: *Exponi nobis.* instantiam audivit FF. Minorum sic reclamantium,

(*Exponi nobis* nuper fecerunt dilecti Filii, tam Generalis, quam per Provincias Castellæ, & Legionis, Regnorum constituti, universi, ac singuli Provinciales Ministri Ordinis Fratrum Minorum Reg. Observantie; quod, licet ipsi juxta Privilegia, & Indulta Apostolica, tam per fel. mem. *Nicolaum IV.* *Eugenium IV.* ac *Sixtum IV.* *Alexandrum VI.* *Julium II.* ac *Leonem X.* quam per alios Romanos Pontifices, Prædecessores nostros, dicto Ordini concessa, quibus inter alia cayetur expressè; quod Moniales, vel Sorores, & alias utriusque sexus personæ, tam conventionaliter, quam in saeculo degentes, Tertiæ Ordinis S. FRANCISCI de Penitentia nuncupati, qui etiam conjugati in ipso conjugio permanendo, juxta Regulæ istius Tertiæ Ordinis Instituta, profiteri possint; illorumque domus, & Monasteria visitationi, correctioni, regimini, curæ & administrationi Fratrum Minorum Reg. Observantie omnijs subjacere debeant, fuerint hactenus (pro ut adhuc existunt) in possessione, vel quasi Jure, visitandi, corrigendi, & reformati Monasteria, & domos, illorumque Moniales, & Sorores, & alias personas Tertiæ Ordinis hujusmodi. Nihilominus.&c.) maturoque habito super præmissa consilio Judices delegatos constituit, qui prædictas *Clementis VII.* litteras in omnibus, quæ iisdem exponentibus, vel eorum juribus præjudicium generate reperirent, ad terminos Juris reducerent, easque sine dictorum exponentium præjudicio intelligendas

esse stabilivit; nec sinè effectu, ut constat ex ejusdem Pontificis litteris: *Exponi nobis;* 11. Octob. 1538. Et: *Honestis potentium desideriis.* 12. Ibris. 1544. datis. Omnesque præmemoratae litteræ, ac facultates, visitandi, corrigendi, gubernandi, ad Habitum & Professionem Tertiæ Ordinis Sæculares in propriis ædibus, etiam in Conjugio permanentes recipiendi, à Pontificibus supra relatis concessa FF. Minoribus de Obs. in diversis confirmationibus Privilegiorum, & gratiarum, tam prædicti Ordinis FF. Min. de Obs. quam Tertiæ Ordinis, per diversos summos Pontifices, ejusdem *Pauli III.* Successores confirmatae, & innovatae fuerunt, & signanter per *Julium III.* in Brevi: *Dum Regularis.* 28. Julii. 1550. per *Paulum IV.* in Brevi: *Ex clementis Sedis.* 27. April. 1561. ac *S. Pium V.* in Brevi: *Ea est Officii.* 3. Julii. 1568. in quo (ut jam dictum) gremium universum Tertiæ Ordinis, Generali, & Provincialibus Ministris Fratrum Minorum de Obs. subjecit; & ex tunc sub præfatorum Superiorum obedientia, & directione, omnes personæ Tertiæ Ordinis generaliter permanserunt, & tam ex Tertiariis trium Statuum, qui vigore præmemoratum litterarum *Clementis VII.* & *Pauli III.* nec non aliorum Prædecessorum Pontificum, sub obedientia Prælatorum sui Ordinis exempti à gubernio, directione, & correctione Superiorum Observantium, sive in communi, sive in particulari vivebant; quam ex aliis, qui juxta præfatas plurium Pontificum præmemoratorum constitutiones, obedientiae, directioni, ac visitationi Fratrum Minorum de Obs. suppositi in tribus statibus vivebant, effectum est unum corpus mixtum, cum corpore aliarum Provincialium obedientiarum dictorum Superiorum de Obs. subjectarum, salvis tamen semper manentibus Regulæ statutis, & reliquis privilegiis, quibus prædicti

dicti Tertiarii uti poterant, & consueverant ante præfataam S. Pii V. constitutionem, additâ ad illorum favorem Privilegiorum communicatione, quæ in dictâ constitutione continetur. Et licet omnia prædicta ex certâ scientiâ innovata ac confirmata fuerint, per litteras Gregorii XIII. incipientes : *Ex benigna*, quibus privilegia & concessiones trium Ordinum 21. Mart. 1575. confirmavit; tamen Sixtus V. in Brevi : *Romani Pontificis*. 29. Mart. 1586. expedito. Tertiarios Regulares, per totam Italiam existentes, ad statum (in quo ante fatam S. Pii V. constitutionem permanserant) restituit; facultatem simul Generali Ministro Fratrum Minorum de Obs. concedendo : ut Visitatorem Generalem dicti Ordinis confirmaret, ipsumque Ordinem singulis quadrienniis visitare posset. Cæterum pro aliis mundi partibus dicta S. Pii V. constitutio in suo vigore reliqua fuit. Et ex vi illius, aliarumque litterarum Pontificum suprà nominatorum Superiores Regularis Observantiae S. FRANCISCI Jure proprio, & ordinario, omnibus Privilegiis, juribus, consuetudinibus usi fuerunt, quoad gubernium, receptionem ad Habitum, visitationem, ac correctionem trium Statuum dicti Tertiij Ordinis : quibus uti poterant, & consueverant Superiores, qui antea ex eodem Tertio Ordine assuebantur, ipsique Tertiarii trium statuum à tempore illo, usque ad præsens tempus, communicatione Privilegiorum, ac concessionum, de qua fit mentio in litteris *Gregorii XIII. Ex benigna*. & in aliis ejus Prædecessorum, præmemoratorum Pontificum gaudere non destiterunt. Omnia supradicta comprehensa debent intelligi in Generalibus Constitutionibus Privilegiorum trium statuum S. FRANCISCI videnda in litteris

Sixti V. Et si Mendicantium. 5. Octob. 1597.
Pauli V. Injuncti nobis. 1. Decemb. 1609.
Urbani VIII. In plenitudinem. 1625. Et Sanctissimi Domini nostri Innocentii XI. Exponi nobis. 5. Septemb. 1686. quæ confirmatio-
nes ad alia etiam privilegia, Indulta, & Bre-
via extenduntur, quæ ad favorem, seu in-
stantiam Fratrum Minorum de Obs. à summa Sede, pro personis trium statuum Ordini-
nis prædicti de Pœnitentia, ac pro Oratoriis,
Ecclesiis, Capellis, & Locis piis ipsarum : nec
non pro subsistentia Statutorum, & Con-
stitutionum, juxta tenorem præcedentium,
horumque Brevium. (prout infra dicetur)
editorum, & præfatarum personarum gu-
bernio, ac directione; & ad Habitum, ac
Professionem legitimâ receptione, & pro
exclusione tam Fratrum Capucinorum, quam
aliorum Ordinum, nec non aliorum Ordini-
nariorum loci à præfato gubernio, recep-
tionēque dictarum personarum ad Habitum, &
Professionem sub diversis Pontificalibus ema-
nârunt, quæ ad longum continentur in lit-
teris felicis record. Sixti IV. Sacri Prædicatorum, & Minorum Ordines. de Anno
1479. Leonis X. Superioribus diebus. 14.
Maji. 1517. Pauli V. Qua pro augenda. 14.
Martii 1613. Urbani VIII. Injuncti nobis
& divina Majestatis. Et: Ad eximios. nec
non: Cum sicut. sub diebus. 16. Octob. 24.
Jun. 31. Octob. & 5. ejusdem mensis: an-
norum 1625. 1626. 1634. 1638. Alexan-
dri VII. Emanavit ac: Exponi nobis. 10.
Octob. 1671. & Innocentii XI. Ecclesie Ca-
tholicae. 28. Jun. 1686. in ultimis his litteris
autem approbatum receptio Sæcularium ad
Tertium Ordinem juxta Statuta in speculo
Seraphico contenta, & Regulam à Nicolao
IV. dispositam; quæ hic cum memoratis
Statutis transscribitur.

RE-

REGULA TERTII ORDINIS
de Pœnitentia

cum Statutis approbatis
ab INNOCENTIO XI.

NICOLAUS Episcopus. Servus
Servorum Dei.

Dilectis Filiis, Fratribus: & dilectis in Christo Filiabus, Sororibus, Ordinis Fratrum Minorum de Pœnitentia: tam præsentibus, quam futuris, Salute in, & Apo stolicam Benedictionem.

LXI. **S**upra montem Catholicæ fidei, quam populos gentium (qui ambulant in tenebris) Discipulorum Christi sincera devotio, igne charitatis exæstuans, verbo sollicitæ prædicationis edo uit, quāmque Romana tenet, ac servat Ecclesiæ; solidum Christianæ Religionis noscitur positum fundatum, nullis unquam concutiendum turbibus, nullis quasandum fluctibus tempestatum. Hæc etenim est recta, veraque Fides; absque cuius consortio nemo in conspectu Altissimi acceptus redditur, nemo gratiosus occurrit. Hæc est, quæ salutis semitam præparat, & felicitatis æternæ præmia, gaudiisque pollicetur, adeoque glorirosus Christi Confessor B. FRANCISCUS hujus Ordinis Institutor, viam ascendendi ad Dominum, verbo pariter, & exemplo denonstrans, ipsius sinceritate Fidei suos filios eruditiv, eoque illam profiteri, constanter tenere, verbo simul ac opere voluit adimplere, ut per ejus semitam salubriter incedentes mererentur post vitæ præsentis ergastulum, æternæ Beatitudinis effici possesores.

*De Modo examinandi Volentes ingredi
Tertium Ordinem.*

C A P I T U L U M I.

XLII. **N**os igitur Ordinem ipsum offerentes, & ad ejus augmentum benignius intendentest, statuimus, ut omnes, quos ad servandum hujusmodi vitæ formam assumi contigerit; ante receptionem ipsorum, de Fide Catholica, & obedientiâ erga præfata Ecclesiæ diligentem examini subdantur. Sique eam professi firmiter fuerint, verāmque crediderint, ad eundem admitti, seu recipi tutò poterunt. Cavendum tamen est; ne quis Hæreticus, vel suspectus de Hæresi, aut etiam infamatus, ad vitæ ipsius observantiam quomodolibet admittatur. Et si talem inveniri contigerit, fuisse receptum, assignetur quantocius Inquisitoribus hæreticæ pravitatis puniendus.

STATUTA CAPITULI I.

Si Volens ingredi Ordinem fuerit Dominus, vel Domina alicujus tituli, Eques aliquis Ordinis Militaris, Sacerdos, notoriae Nobilitatis, familiaris S. Officii, vel notæ qualitatis homo: ratione Statu, aut Personæ non est de ejus genete inquirendum. Sicut neque, si fuerit frater, aut filius prædictarum Personarum, vel Fratris alterius ex hoc Ter tio Ordine. Non est etiam facienda inquisitio de illorum genere, qui Fratrem habent in aliqua Religione ab Ecclesia Dei approbata. Quando etiam Prælati superiores, vel is, qui Habitum concedit, novit ejusmodi Personas esse virtuosas, ac devotas, non autem dissolutas, aut scandalosas; poterit eos admittere ad Ordinem, absque prævia inquisitione de vita

vita & moribus. Non debet etiam concedi Habitus alicui Personæ ; quæ non habet officium, facultates , redditus , commercium: quo se possit sustentare, ne detur occasio murmurandi in populo , quod Habitum suscipiat in ordine ad mendicandum, vel gravandum alios. Non dabitur etiam Habitus Eremitis extra hæc Regna degentibus; ut nec iis: quorum ignoratur Domicilium : ut & iis est negandus, qui non possunt se exercere aliquo labore honesto, unde possint sustentari , aut qui non sunt notæ virtutis. Vestiantur semper in Capella Tertiæ Ordinis, si sit ; ubi verò hæc non est ? in ea , quæ in Conventu pro Tertiariis destinatur ; ubi verò non sunt Conventus Ordinis nostri ? Si sint Moniales nostræ ? in earum Conventibus teneant suam Capellam, & exercitia. Quod si nec harum Conventus adsit; in Ecclesia Parochiali sua servabunt Exercitia (de licentia tamen eorum, quorum interest) & Habitum conferent. Nunquam verò concedatur Habitus in Oratoriis, aut ædibus privatis, nisi ob causam urgentissimam, & cum dispensatione , Superiorum, vel Visitatoris , aut ex consensu Discretorum Tertiæ Ordinis.

*De Forma recipiendi Volentes ingredi
Tertium Ordinem.*

C A P I T U L U M II.

XLIII. **S**i quis Fraternitatem hanc ingredi voluerit ; Ministri ad eorum receptionem deputati, ejus Statum , conditio nem , & officium diligenter explorent, Fraternitatis hujus onera , & præcipue restitu tionem Bonorum alienorum eidem expo nentes. Quibus præmissis (si eidem placuerit) juxta formam hujusmodi induatur , & de alienis (si quæ apud eum fuerint) satisfacere studeat, in pecuniâ numeratâ , vel secundum

Vinea Seraphica.

prästatam pignoris cautionem (sequenti nihilo minus reconciliare procuret. Quibus omnibus ad effectum perductis , post unius anni spatium , cum aliquorum Discretorum Fratrum consilio (si iis videatur idoneus) recipiatur. Hoc modo , videlicet: ut promittat se Præcepta Divina omnia servaturum, atque satisfacturum [ut convenit] de transgressionibus : quas contra hanc vivendâ methodum commiserit ; ubi interpellatus fuerit, ad Visitatoris voluntatem. Et hæc promissio ab eo facta per manum publicam scripto no tetur. Alio autem modo nullus à Ministris recipiatur , nisi eisdem aliter visum fuerit, conditione Personæ , & ipsius instantiâ , sollicitâ consideratione discussis. Ordinamus præterea statuentes, ut nullus post istius Fraternitatis ingressum , de eadem egredi valeat, ad sæculum reversurus , possit tamen liberè transire ad aliam Religionem approbatam. Uxoribus verò in Matrimonio constitutis, non pateat ad consortium dictæ Fraternitatis ingressus , nisi de Maritorum suorum licentiâ & consensu.

STATUTA CAPITULI II.

Si aliquis infirmus in mortis periculo petierit Habitum, poterit eidem concedi , si Ministro , Visitatori , aut Discretis videatur conveniens , sed Professionem non emittat, donec annum compleverit. Quod si tempore sanitatis Habitum suscepit ; in periculo mortis poterit ad Professionem admitti ad lucrandas Indulgencias plenarias in Forma Jubilæi , prout in omnibus Ordinibus conceditur Novitiis. Minister instruat Vestitum de omnibus, ad Regulam & Constitutiones spe ctabilibus. Quod si ipse Minister nequeat præstare ; onus illud imponat alteri [ex Fratribus vel Sororibus] Personæ bonis moribus, & exemplari vitâ probatae, quæ devotum

I

illum

illum vivendi modum doceat Novitium vel Novitiam. Ante Professionem verò examinabuntur, an calleant, sciántque suas obligaciones, quas ubi rite noverint, poterunt ad Professionem admitti; quae in eodem loco fiet, in quo diximus dari debere Habitum. In locis, in quibus non datur competens Fratrum, aut Sororum numerus ad congregations, & distributiones officiorum faciendas; Guardianus, aut Visitator illarum partium, cum consilio Fratrum ejusdem loci, poterit facere; quod magis Deo placere, & Ordini proficere consperxit.

*De Forma Habitū, & Qualitate
Indumentorum.*

CAPITULUM III.

XLIV. **F**ratres hujus Fraternitatis panno humili (in pretio, & colore) non prorsus albo, vel nigro vestiantur; nisi per Visitatores, de consilio Discretorum, pro loco, & tempore, cum aliquo ob legitimam, & patentem causam dispensatum fuerit. Chlamydes quoque ac pelles, absque collaturis scissas, vel integras, affibulatas tamen, non patulas (ut congruit honestati) clausaque manicas habeant. Sorores etiam chlamyde induantur, & tunica de hujusmodi humili panno factis, vel saltē cum chlamyde habeant quarnellum, seu placentinum, coloris albi vel nigri, aut paludellum amplum de canabo, seu lino absque ulla crispatura consumutum. Circa humilitatem pauci verò, & pelles Sororum, juxta conditionem cuiuslibet, aut loci consuetudinem poterit dispensari. Ligaturis sericis non utantur; pelles duntaxat agninas, bursas de corio, & corrigias similiter absque ullo serico factas, & non alias, tam Fratres habeant, quam Sorores. *Depositus ceteris (juxta B. Petri Apostolorum Principis consilium) vanis hujus seculi ornamentis.*

STATUTA CAPITULI III.

Ad evitandas graves inconvenientias ordinatur, & præcipitur: quod ante Professionem nullus Frater portet Habitum, nec Mulieres saccum, vel formam Habitū cum manicis largis, vel mantellum ejusdem cum mantello coloris fusci. Forma Habitū pro viris, est tunica cum manicis in formam crucis, coloris subcinericei [prout in Ordine consuetum] cum chorda. Pro mulieribus verò Scapulare ejusdem coloris, quod ad minus habeat tertiam partem ulnæ quoad longitudinem, & Chordam. Possuntque portare cooperatum, vel discooperatum pro sua devotione, ut tamen post Professionem discooperatum portent, dabit Prætendens libellum supplicem in Congregatione Visitatoris, Ministri, & Discretorum; qui attente per informationes secretas considerabunt qualitates officiorum, & virtutes petentium: advertendo majorem partem honoris exterius, & exempli Ordinis Tertiū consistere in bono exemplo, quod præbent illi, qui portant Habitum discooperatum, cum ex illis formetur exemplum de reliquis. Itaque hæc licentia non detur, nisi viris, & mulieribus boni exempli, notæ modestiae, & virtutis, nec concedatur, nisi in Scriptis, chartâ subscriptâ à Visitatore, Ministro, & Secretario, & sigillata Sigillo Ordinis. Sinè quibus conditionibus nemo poterit ferre Habitum discooperatum. Idem dicendum de Sororibus, ut portent rudem Habitum discooperatum. Pro nullo autem casu dabitur licentia viro, seu mulieri vilis officii; scilicet: in officina, vel simili munere, aut collectori vesticigalium, vel Tributorum, taliisque officia exercenti; si que (posteaquam discooperatum tulerit) aliquod ex prædictis officiis suscepere? non poterit amplius discooperatum gestare; si autem con-

tra

tradixerit & ab Ordine ejiciatur. Fratres, qui Habitum discovertum gestant, ferant aquas manicas; Habitum genua cooperiat; & palium sit duobus digitis longius; nec exterius singularitatem affectent; quæ magis serviat ad ostentationem, quam devotionem. Monentur etiam Fratres omnes, & Sorores, quamvis non portent Habitum discovertum; ut in vestitu, & cultu talem observent modestiam, & corporis compositionem; ut agnoscantur Sectatores Pœnitentiarum; se scilicet pro illa, & Deo commutasse vanam gloriam, pompam, & ornatum hujus saeculi, imitando saltem ex parte pauperem, & humilem Patriarcham FRANCISCUM; qui etiam vestes proprias pretiosas resignavit ad manus Episcopi Assisiensis. Si Frater aliquis Habitum discovertum gerens, in tantam inciderit paupertatem, ut se labore suo, officio, vel facultatibus sustentare nequeat, vel mendicare cogatur, Habitum exteriorem deponat, idque sine dispensatione observetur. Si vero Frater aliquis (quod Deus averterat) scandalose vivat; quilibet alias Frater ex Ordine poterit illum charitatè admonere, & secundum S. Evangelium ei correctionem fraternalm dare, vel si convenientius videatur? poterit secretò Ministrum mone-re, & Minister Visitatorem; ut hic eidem correctionem det. Quod si Frater delinquens facta hæc correctione se non emendaverit? Visitator in Præsentia Ministri, vel alterius Fratris devoti, secundâ vice eum corripiat, ipsum admonendo, si se non emendaverit, Habitum se privandum. Quod si post hæc omnia se non emendaverit? occultato [quantum fieri potest] delicto, res ad Discretos Congregationis deferatur; ex quorum parte illi intimabitur, quod ab Ordine sit exclusus. Si Habitum discovertum adhuc portaverit, illumque deponere noluerit, quid tunc sit agendum? dicemus postea

Quod non vadant ad convivias in honesta, & spectacula, & quod Histri-nibus non donent.

CAPITULUM IV.

XLV. **A**cessus ad in honestis convivia, seu spectacula; curias, seu choreas sit iisdem penitus interdictus. Histrionibus intuitu vanitatis nihil donent; néve quidquam iis à propria familia, seu Domestici detur, urent prohiberi. Cui capitulo ex Statutis nihil addendum occurrit.

De Abstinentia & Jejunio.

CAPITULUM V.

XLVI. **A**b esu carnium, secundâ, quartâ, & sextâ Feriâ, diéque sabbatino abstineant; nisi aliud infirmitas, vel debilitas suadeat. Iis (quibus vena inciditur) triduo carnes dentur, quæ nec Peregrinantibus subtrahantur. Licita quoque sit omnibus carnium comedio Festis anni solemnieribus, quibus cæteri Christiani ab antiqua observatione, & Ecclesiæ consuetudine carnibus vescuntur; aliis etiam diebus (in quibus Jejunium non servatur) ovis, & caseo vesci poterunt. Sed & cum cæteris Religiosis, in eorum Convertibus, & domibus licet sumant, quæ apponuntur; sintque prandio, & cœnâ per diem contenti, exceptis debilibus, viatoriis, & infirmis. Sanis autem sit cibus, & potus moderatus, juxta Textum Evangelii: *Attendite, ne corda vestra crapulâ, & ebrietate graventur.*

Prandium non sumatur, nec Cœna; nisi præmissâ saltem Oratione Dominicâ, quæ post sumptionem cuilibet, cum Deo Gratias, repetenda. Quod si hæc contigerit omitti? dicitur tribus vicibus, *Pater noster.* Quilibet



Feriâ sextâ totius anni jejunent , nisi ratione infirmitatis , vel alia legitima de causa excusentur ; præterquam : si Festum Natalis Domini Feriâ sextâ celebrandum occurrat. Sed à Festo Omnis Sanctorum , usque ad Pascha , quartâ & sextâ Feriâ jejunent ; nihilominus alia Jejunia ab Ecclesia , vel ab Ordinario loci communiter indicta servaturi. Quadragesimam à Festo S. Martini , usque ad diem Natalis Domini ; & à Dominica Quintagesimæ usque ad Pascha , diebus singulis (exceptis diebus Dominicis) servent ; nisi forte necessitas , vel infirmitas aliud suadeat. Sorores gravidæ , usque ad purificationis suæ diem , ab exercitio seu labore corporali abstineant [si voluerint] operari , propter laborem , à Festo Resurrectionis Dominicæ , usque ad Festum S. Martini , ter de die [quo labori incumbunt] liceat cibum sumant ; ubi verò in aliorum domibus laboraverint , de omnibus cibis , qui apponuntur , liceat iis manducare ; nisi Feriâ sextâ , vel Sabbatum occurrat , in quibus generaliter Abstinencia est indicata.

STATUTA CAPITULI V.

PAtres Guardiani in suis Guardianiis , vel Visitatores pro eodem Districtu determinati , aut Vicarii Monialium (ubi harum Conventus fuerint) dispensare poterunt cum infirmis , iisdemque ministrantibus , cum peregrinantibus , & gravidis usque ad diem purificationis . Similiter iis diebus [in quos Festum solemne cadit & in quo reliqui solent carnes comedere . Deinde cum iis , qui in Conventibus degant , dispensent diebus illis , quibus in Conventu omnes comedunt . Cum Matre - Familiâs , filiis , & Servis , qui Parentum gubernio subsunt . Cum illis , qui non habent cibum sufficientem , ut servent abstinenciam , vel se sustentent . Denique cum reliquis , qui secundum temporis rigo-

rem , & terræ sterilitatem non inveniuntur in Statu convenientiè à carnibus abstinendi , vel jejunandi.

Cæteri ob infirmitatem , laborem , iter , vel necessitatem aliam non excusati , singuli Feriâ sextâ jejunent ; excepto die Natalis Domini , si cadat in Feriâ sextam . Jejunent etiam à Festo Omnis Sanctorum usque ad Dominicam primam Adventus omnibus diebus Mercurii , & Veneris . A prima vero Dominicæ Adventus (quando juxta Indultum Clemens VII . incipit Quadragesima S. Martini) jejunent quolibet die , usque ad Nativitatem Domini . Idem dicendum à Dominica Bacchanalium (quæ est Dominica Quintagesimæ) usque ad Dominicam Resurrectionis . Per annum autem , in Vigiliis , aliisque temporibus ab Ecclesia præscriptis Jejunium mox aliorum servabunt .

Quoties Fratres , & Sorores per annum confiteri , & Eucharistiam sumere debeant ?

CAPITULUM VI.

XLVI. Singuli Fratres & Sorores , ter in anno (videlicet in Natali Domini , in Resurrectione D. N. J. C. & Pentecostes Solennitatibus) peccata propria confiteri , & S. Eucharistiam sumere non intermittant ; insuper reconciliando se Proximis , & bona aliena restituendo .

STATUTA CAPITULI VI.

Quantumvis Regula pro S. Communione generaliter tantum tres illos dies Festorum Principalium designet : ordinamus tamen : ut fiat Communio generalis in Festo S. FRANCISCI , & die , quo Ordo Tertius quot annis celebat Festum Sancto , vel

vel Sanctæ istius Ordinis proprium. Item die, quo post Festum Omnium Sanctorum fiunt exequiæ pro Defunctis, & eodem die fiet pro Defunctis communio Vivorum. Fiet etiam Communio Generalis, quando ob gravem causam, vel necessitatem communem P. Guardiano, vel Visitatori videbitur. Ut etiam in necessitatibus Regis, Regnorum, Electionis Prælatorum majorum, & publicis. Et quia frequentia Confessionis, & Communionis tantos (laus Deo) in Ecclesia fructus spirituales causat, hodie que magis à devotis animabus ad praxim, & usum deductæ est, quam tempore Regulæ institutæ; præcipitur: ut præter dictos generales dies Communionis, omnes Fratres & Sorores particulariter communicent in omnibus Festis Domini, B. Virginis, Apostolorum, & S.S. Ordinis, alio autem tempore, quando ad id licentiam obtinuerint à suis Confessariis, & Patribus spiritualibus; quibus injungimus: ut inquirant de spiritu eorum, qui volent communicare; de Profectu in virtute, de compositione tam in-quam externâ, unde fructus spiritualis crescit, & dignosci potest. Item Communio Paschalis fiet die Joyis sancto, sub Missa majori, de licentia Parochi. Alioquin Communionem Paschalem sument in Ecclesia Parochiali. Communio verò in die Nativitatis Domini fiet in Missa mediæ noctis; qui autem eidem Missæ interesse non poterunt, servabunt Communionem sub alia Missa.

Quod Fratres non ferant arma impugnationis.

CAPITULUM VII.

XLVIII. **F**ratres non deferant secum arma impugnationis, nisi pro defensione Romanæ Ecclesiæ, Christianæ Fidei, vel etiam Patriæ suæ; aut de licentia Ministrorum.

STATUTA CAPITULI VII.

STATUITUR, quod Fratres Terti Ordinis (quamvis ex illis sint, quibus permisum est portare Habitum discoopertum) gladio præcungi possint; cum hoc armorum genus sit ad ornamentum & decorem communem.

De dicendis Horis.

CAPITULUM VIII.

XLIX. **F**ratres quotidie legant VII. Horas Canonicas. Id est: Matutinum cum Laudibus, Primam, Tertiam, Sextam, Nonam, Vespertas, & Completorium. Clerici callentes Psalterium, pro Prima legant Psalmum: Deus in nomine tuo. &c. Et Beati immaculati. &c. usque ad Legem pone. cum aliis Psalmis. Juxta Ordinem Ecclesiæ, cum Gloria Patri. Cum vero ad templum non veniunt, legant pro Matutino Psalmos, quos legunt alii Clerici, vel Ecclesia Cathedralis. Alii illiterati dicant pro Matutino XII. Pater noster, & pro qualibet aliarum Horarum VII. cum Gloria Patri. Ad Primam autem & Completorium addent Credo, cum Psalmo: Misere, qui eundem sciunt. Quod si Fratres statuto tempore non legerint, dicant ter Pater noster pro Pœnitentia. Infirmi autem [si alias non velint] ad Horas legendas nullatenus tenebuntur. In Quadragesima S. Martini, aliisque majore universæ Ecclesiæ, in Ecclesiis suis Parochialibus ad Horas matutinas personaliter studeant comparere, nisi causâ rationabili excusentur.

STATUTA CAPITULI VIII.

OMNES illi, qui sive ex obligatione, sive ex devotione Divinum aut Canonicum Officium recitant; Suffragiis ad Matutinum, & Vespertas adjungant Commemorationem de S. P. N. FRANCISCO; & ad finem Offi-

cii dicant unum Responsorium, cum Collecta; *Dens venia largitor. &c.* Et per hoc satisfaciunt Officio Regulæ. Qui recitant Officium parvum B. Virginis, & Equites Ordinum Militantium, recitando suorum Ordinum Officia, etiam satisfaciunt; si tam hi, quam illi adjungant alias Orationes pro Fratribus defunctis, & animabus in Purgatorio, Gloria Patri (quod noratur in hoc Capitulo Regulæ) dicatur post quodvis Ave Maria, addendum ad Pater noster. Quod Ave quidem vi Regulæ non prescribitur, ex pio tamen usu Devotorum addi solet. Unde quinquaginta quatuor vicibus dici debet Ave MARIA, & Gloria Patri; quia toties dicitur Pater noster, & qui Horas non recitant illo tempore, quo à Communitatibus solent recitari? dicant pro Poenitentia ter Pater & Ave. Suadetur etiam omnibus, ut singulis diebus recitent Coronam B. Virginis.

*Quod omnes, qui de Jure possunt,
condant Testamentum.*

CAPITULUM IX.

L. **P**räterea omnes, quibus de Jure facultas fuerit, condant testamentum, & de bonis suis, infra tres menses ab ingressu suo in Ordinem immediatè sequentes, disponant, ne contingat quenquam illorum intestatum decidere,

STATUTA CAPITULI IX.

Ordinatur, ne ullus ad Professionem quodammodo admittatur, qui non fecerit Testamentum, si de Jure facere possit. Præcipitur autem Confessariis Ordinis nostri, qui vocantur, ut adjuvent, dēntque consilium pro Testamento condendo; ne Testatorrem sollicitent, ut aliquid Ordini nostro relinquat, sed reminiscantur potius, quod nos Professioni nostræ congruenter, pau-

pertatem & contemptum rerum temporaliū, secundū exemplum S.P.N. quærentes, sequamur consilium Apostoli: *Non querimus vestra, sed vos.*

De Pace inter Fratres & Externos componendā.

CAPITULUM X.

LII. **D**E pace inter Fratres, & Sorores, seu etiam alios extraneos in discordia positos faciendā [sicut Ministris videbatur] ita fiat; adhibito etiam, ubi opus fuerit, hæc in parte Episcopi Diœcesani consilio,

STATUTA CAPITULI X.

UT pax & concordia conservetur tam inter Fratres hujus Ordinis, quam inter Christianos omnes, Proximos nostros; quærat Fratrum quilibet, ad imitationem Christi, dissidentes componere, sedare discordias, animosque hostiles reconciliare; inquiringo modos, & media, quibus christiana, fraternalaque Charitas, & pax communis conservetur.

*Quid agendum, si contra Privilegia
in Jus vocentur?*

CAPITULUM XI.

LIII. **S**I Fratres, vel Sorores contra Jus sum, & privilegia, per vim à Rectib⁹ locorum (ubi Domicilium habent) vexationibus imperantur? Ministri ad Episcopos, seu locorum Ordinarios sument recursum; juxta quorum consilium sele dirigant, & procedant.

*Cui Capitulo Statuta nihil addiderunt,
quod Fratres à juramentis publicis pro
possibili abstineant.*

CAPITULUM XII.

LIII. **A**Juramentis publicis omnes abstinent, nisi urgeat necessitas. Vi deli-

delicet; in casibus per Indulgentiam Sedis Apostolicæ exceptis. V. G. pro Pace, Fide, calumniâ, & testimonio dando; ut etiam in contractu emptionis, venditionis, & donationis, ut videbitur expedire. In communione etiam colloquio pro posse vitent juramenta. Qui verò die quâdam minus cautele juraverit ex lapsu lingua (prout in multiloquio contingere solet) sub vesperum, quando examen conscientiæ faciendum, dicat ter Pater noster, ob incautem factum juramentum. Meminerit autem quilibet, ut ad obsequium divinum familiam propriam hortetur.

STATUTA CAPITULI XII.

Tres illæ vices, (quibus vesperi recitandum est Pater noster, dum fit examen conscientiæ, de operibus per diem perfectis) sic intelligendæ sunt, quod oporteat recitare tot pro singulis juramentis. Fratresque current in Confessione juramenta breviter explicare, moneantque domesticos suos, ut ea devitent, memores sententiæ à Spiritu S. prolatæ *Ecli. 13. v. 12. Vir multum iurans implebitur iniquitate, & non discedet de domo illius plaga.*

De audienda Missa, & Congregatione facienda.

CAPITULUM XIII.

LIV. **F**ratres omnes sani, & Sorores, cuiuscunque loci aut civitatis fuerint (omni die, si commodè possint,) Missæ Sacrificio intersint. Item quolibet mense ad Ecclesiam, sive locum à Ministro determinandum convenienter, Missarum Solennia audituri. Unusquisque autem usualis monetæ denarium Missario tribuat, qui collectam hanc pecuniam de consilio Ministeriorum inter Fratres, & Sorores pauperes, ac debiles, aliisque indigentes qui non habent, ut post mortem debitè humari possint, dividat æqua-

liter. Deinde pecuniæ istius partem Ecclesiæ, vel loco condicto offerant, studeantque habere virum religiosum, qui verbis Dei iis proponat, ad Pœnitentiam, & opera misericordiæ obeunda eos extimulet. Interim dum Missæ celebratur Officium, aut verbum Dei proponitur, silentium servent, Orationi & Concionati attenti, nisi aliquem communis utilitas Fraterhitas impedit.

STATUTA CAPITULI XIII.

Quovis mense omnes Fratres, & Sorores congregabuntur, nisi legitimè sint impediti. Die Dominico, aliòve determinando, in Capella Tertiæ Ordinis [ubi fuerit] vel in Ecclesia Religiosorum, Monialium, vel Parochiali, ad aram à Ministro deputandam audient devotè Missam, siue fieri potest; fiet brevis Concio, in qua omnes monendi ad Regulam hanc exactè servandam, ad exercenda opera misericordiæ, aliasque virtutum. Quâ Exhortatione finitâ [ut præcipit S. Pater] quivis dabit unum nummum, seu denarium, prout Deus inspiraverit. Et hæc Collecta tradetur Syndico Tertiæ Ordinis, vel Ministro; & expendetur pro necessitatibus Fratrum, vel Sororum pauperum, infirmorum, incarceratorum, aliisque necessitatibus. Guardiani verò & Visitatores non immisceant se his Collectis tanquam Domini eleemosynarum, nisi solùm attendendo, ut cum æquitate, & justitia distribuantur; repræsentando, & recommendingo necessitates Fratrum, vel Sororum, & aliorum quos indigere noverint.

Semel etiam quolibet mense congregabuntur P. Guardianus, aut Visitator, Minister, Discreti, Secretarius, Syndicus, & Vicarius Cultus divini, congregatique dicent Antiphonam: *Veni S. Spiritus, reple tuorum corda fideliū, & tui amoris ignem in eis accende. Kyrie eleison. Christe eleison.*

Kyrie

72
Kyrie eleison. Pater noster. &c. Sed libera nos à malo. v. Memento Congregationis tuae.
v. Quam possedisti ab initio. v. Domine exaudi. Ec. Dominus vobiscum. Ec. Oremus.
Mentes nostras quesumus Domine lumine tue claritatis illustra; ut videre possimus,
qua agenda sunt, & quarecta sunt agere valeamus. Per Christum. &c.

Facta hac præparatione sedebit P. Guardianus, vel Visitator, aut ejus vices gerens, in medio, & ad manum ejus dexteram omnes Sacerdotes, qui habebunt Votum. Ad sinistram autem Sæculares omnes, secundum senium, & dignitatem. Hic proponentur omnia, quæ in Congregatione sunt discutenda. Idque fieri cum summa mansuetudine, & sine pertinaci contentione; procedendo ad vota, in quibus difficultas occurret; existentibus autem paribus votis resolvetur, & fieri id, quod cum voto Præsidis determinabitur; idque scribetur, & sigillabitur per Secretarium in libro Resolutionum. Congregations (quæ celebrantur sine assentia Visitatoris, aut alterius à P. Guardiano deputati) irritæ sint, & nullius valoris omnia, quæ in his decidentur. Quòd si fiat aliqua Congregatio sine dicta Assentia Prælatorum, quia in eodem loco non est Conventus, aut Visitator; omnia per Discretos ordinata, annotentur, sed non mandentur executioni, donec P. Guardianus, aut Visitator approbaverit; sique fuerit causa valde gravis, recurratur ad P. Provincialem, Ministerium Provincie. In his Congregationibus sient electiones Officiorum, ex quibus sacer hic Ordo conflatur. In his etiam reprehenduntur delinquentes, & decidetur; an, & quando Habitum privandi sint. Proponenturque petitiones eorum, qui Habitum indui desiderant. Denominabiturque persona fide digna, quæ publicè, & privatim, in vitam, mores, familiam eorum inquirat, simùlque

an congruam habeant sustentationem, quibus congruenter detur, aut negetur Habitus. Non fiat Congregatio omnium Fratrum absque eo, quod ista Congregatio Discretorum certum diem determinet. Quodque diximus in principio Congregationis particularis recitandum esse; idem etiam in principio Congregationum Generalium recitabitur, & utraque pariter finietur, dicentibus omnibus Fratribus præsentibus. Kyrie eleison. Christe eleison. Kyrie eleison. Deinde Præses dicat: Pater noster. &c. totum secreto. Et ne nos inducas. &c. v. Confirmatio hoc Deus, quod operatus es in nobis. v. à templo sancto tuo, quod est in Jerusalem. Ec. v. Domine exaudi. Ec. Dominus vobiscum. Oremus. Praesta nobis, quesumus, auxilium gratia tua; ut, quæ te auctore facienda cognovimus, te inspirante impleamus. Agimus tibi gratias, omnipotens Deus, pro universis beneficiis tuis. Qui vivis & regnas in secula seculorum. Deinde dicatur unum Responsorium cum Oratione: Deus venia. Ec. Et Fidelium Deus. Ec. pro animabus defunctorum Confratrum.

De Fratribus infirmis, & defunctis.

CAPITULUM XIV.

LV. **S**i quempiam Fratrum infirmari contigerit; Ministri per se, vel per alium [alios] ab infirmo requisiti, semel de hebdomada infirmum visitare teneantur, ut eidem Sacramentum Pœnitentiæ administrent, prout melius expedire judicaverint; curantes, ut necessaria infirmo de bonis communibus subministrentur. Sique infirmus ex vita hac migraverit; ejus obitus Fratribus, & Sororibus in loco illo morantibus indicetur, ut defuncti exequiis personaliter interficiantur, à quibus ante finem Sacrificii, & corporis Sepulturam non recedant. Idem etiam circa

circa Sorores infirmas, & defunctas est observandum. Præterea intrâ octo dies ab obitu defuncti quivis videat, ut satisfaciat debito suo pro anima defuncti. Videlicet Sacerdos unam Missam celebrando. Literati : 50. Psalmos legendo : illiterati : totidem Pater noster dicendo, & in fine cuiuslibet Requiem æternam addendo. Infra annum autem pro Fratrum & Sororum, tam vivorum, quam defunctorum salute tres Missæ celebrentur ; alii verò, qui Psalterium legere noverint, illud dicent. Reliqui illiterati centum Pater noster legent, addéntque in fine cùjuscunque Requiem æternam.

STATUTA CAPITULI XIV.

SI quis Fratrum infirmis & defunctis assistere nequit, quantum in hoc Capitulo præscribitur ? poterit ad P. Visitatorem recurrere, & dispensationem ab eo petere, & obtinere. Semper tamen meminerint Fratres, quemadmodum nos in vita cum aliis defunctis egimus, sic alii nobiscum post mortem agent. Quoad assidentiam infirmorum hic specialiter notandum venit, ut si fuerint pauperes, & indigentes ; suis eleemosynis assistant eisdem, scilicet deficientibus communibus eleemosynis.

De Ministeriis.

CAPITULUM XV.

LVI. **Q**uivis Fratrum officia (quæ præsentis formulae series exprimit) sibi imposita, devo: è suscipiat, curètque fideliter. Quodlibet officium autem certo temporis spatio durer, nec ullus Minister instituatur ad vitam ; sed ejus Ministerium certo tempore limitetur.

STATUTA CAPITULI XV.

Quamvis hoc Capitulum Regulæ agat de Officiis Ordinis, attamen non de *Vinea Seraphica*.

signat, quot, vel qualia debeant esse; solum præscribit, ne sint perpetua. Specialiter vero denominatur Officium Ministri ; quia autem in diversis partibus diversa sunt officiorum nomina, declaramus officia esse sequentia.

Visitator, Minister, Secretarius,
6. vel 8. Discreti, Zelatores, qui vi-
debuntur necessarii, Vicarius Cul-
tus Divini, & Infirmarius major.

In parvis autem, vel magnis Communitatis bus, plura, vel pauciora officia statuentur, prout videbitur convenire. Obligationes cùjuslibet officii sunt sequentes.

Ut Tertius Ordo in suo maneat vigore, & in eodem augeatur, maxima ex parte illud dependet à cura Visitatorum ; qui officiis omnibus invigilabunt instruendo, animando, monendo, reprehendendo Officiales, & Fratres omnes, ut sua officia, & obligatio-nes debitè exequantur.

OFFICIUM VISITATORIS

Est secundùm Regulæ C. 16. visitare saltem quolibet anno Fratres Guardianiæ, si Guardiani per se non possint, aut non ve- lint. Hanc visitationem debet Visitator solus facere, & à Ministro debet illi assignari Socius, nisi Minister ipse comitetur. Ipsius est semel quolibet mense in Congregationibus Regulam explicate ; assistere Congregationibus Generalibus, & Particularibus Fratrum, in iis præsidendo; prædicare in plateis; tempori- bus suis facere disciplinas, & in iis sermocinari. Ipsius est visitare infirmos (quos poterit ; specialiter eos, quos Minister, & Infirmarius major dixerit esse visitandos ; provide-re incareratis, de eleemosynis, & alimen-tis ; animare penuriam patientes, iisque adesse, si alimenta iisdem deferantur ; inspi-

K cere

cere memorias onerum , quibus gravatur Tertius Ordo , & procurare , ut accuratè serventur. Ante omnia Visitatores habebunt auctoritatem à Provincialibus ; nec Guardiani occupabunt eos in obsequiis Conventus , vel Communitatis , ut tempus habeant munere suo fungendi , illudque exactè administrandi. Deinde Visitatoribus assig-nabitur Concionator pro Socio , qui in eorum absentia præsideat Congregationibus , cum eadem auctoritate. In Conventibus , & locis , ubi non sunt tot occasions : omnia disponant PP. Provinciales , & Guardiani , prout iis convenientius videbitur.

OFFICIUM MINISTRI

LVII. **E**st non minoris honoris, quam laboris. Cùm enim sit prima Ordinis Persona, debet fieri servus (nam hoc significat Minister) præponendo amorem Dei , & Proximi utilitatem , proprio comodo & quieti. Ab ejus vigilante curâ , & solicitudine dependet totus Ordo ; bonum ipsius exemplum est forma gregis. Omnium aliorum officiorum curam (quasi à se solo dependerent) omnium rerum exterarum, imò cuiuslibet rei publicæ (quasi sibi commissa foret) solicitudinem singularem habeat , necesse est. Quapropter omnibus Fratribus strictè præcipimus , ut in omnibus eidem obedient , illumque venerentur tanquam Superiorem , & Patrem , tam sancti Ordinis , tam religiosæ Congregationis , & venerabilis Familiæ. Illi incumbit rationem dare Visitatori de culpis Fratrum , & de omnibus iis , quæ indigent remedio , ut dispo-nitur in C. 19. Regulæ ; ut uterque in casu delicti provideat de remedio , cum prudentia & charitate. Remedio autem deficiente delinquens spoliatur Habitu , cum consensu Congregationis , quia censetur incorrigibilis.

Si Minister fuerit occupatus , impeditus , aut infirmus , sic ut non possit rebus Officium suum concernentibus intendere , a signetur illi Coadjutor , quo deficiente assistet illi antiquior Minister ; & ubi non sunt Ministri , antiquior Discretus... Notandum autem , si Minister sit sæcularis , Coadjutorem debere Sacerdotem esse ; & contrà : si Minister sit Sacerdos , Coadjutorem debere esse sæcu-larem.

Officio Ministri (idem dic de aliis officiis) possunt fungi personæ sæculares. Procurandum tamen (si commodè fieri possit) ut semper sit Sacerdos professus , & Persona gravis. Nihilominus ob rationes , & qualitates occurrentes poterit etiam Sæcularis præferri. Minister habebit librum , in quo eleemosynæ advenientes notentur ; quas recipiet ipse , ad Syndicum remittendas. Cui etiam per sce-dulas præscribet ; in quales usus sint expen-dendæ. De acceptis & expensis agetur infrā de officio Syndici...

In locis , in quibus fuerint aliqui Fratres , & nullus Minister ; P. Guardianus , aut Visi-tator disponent officia , prout visum fuerit. Si verò pauci fuerint , eorum curam habebit aliquis Frater Sacerdos , vel sæcularis persona antiquior.

Officium Ministri , aut reliquorum Offi-cialium non erit perpetuum secundùm dicta ; sed ordinariè uno tantùm anno durabit. Qui tamen cum laude præfuerit ; poterit in eo-dem continuare. Ut fusiū dicetur infrā de Electionibus.

Nec erit subordinatio Ministrorum ad in-vicem ; sed quilibet populus habebit suum Ministrum proprium. Omnesque subordi-nabuntur P. Guardiano , vel Visitatori. Mini-stro incumbit cura Festivitatum , quas Tertius Ordo omni anno celebrat , de Sancto , vel Sancta , incidente , seu per sortem , seu per devotionem , seu per Electionem , die proprio , vel

vel alio tempore, quo magis congrua videbitur. Eo autem die fiet Concio, & Communio Generalis. Utque in toto Ordine sit uniformitas, procuretur; ut Festum principale Tertiis Ordinis sit [prout multis in locis sit] Festum Stigmatum S.P.N. FRANCISCI. 17. Sept. quod unicum Festum est proprium filiis tanti Patris, inciditque tempore satis commodo; & habeatur tunc memoria Sancti vel Sanctæ, quæ per sortem obtigerit.

Altera Festivitas pro defunctis Fratribus, & animabus in Purgatorio, habenda est omni anno in Mense Novembri, per Ministrum, auxiliantibus reliquis Fratribus, seu illis, qui ad hoc opus apti censemuntur; & expensis satisfiet per Syndicū ex restantibus communibus eleemosynis. Specialiter autem assistet omnibus Congregationibus, tam generalibus, quam particularibus: providebitque per se necessitatibus infirmorum, non excluso tamen Infirmatio majore. Incarceratorum refectioni intererit, decernet Eleemosynas ad succurrentum Pauperibus, Orphanis, & Viduis Ordinis; sicutque totam in se suscipiet curam, quasi non haberet alios officiales in adjutorium sibi datos.

OFFICIUM SECRETARIIL

LVIII. Secretario incumbit tenere librum receptionum, possessionum, & consultationum Congregationis. Assistere omnibus Congregationibus Generalibus, & Particularibus, cum Voto in illis. Item Ministrum admonere illorum, qui professuri sunt, aliquot diebus ante Professionem; idcirco, ut fiat informatio vocalis secreta de profectu eorum, & assignetur dies Professionis, antequam examinandi sunt Professuri de perioda Regulæ, & Ordinationum. Deinde Secretarii est tempore Professionis annotare nomen, officium, & qualitatem personæ pro-

fessæ; siue urbs sit magna; plateam, domum, & Parochiam, in qua habitat; expediet scedulas iis; qui vocandi sunt ad Congregations, funeralia, aliisque Ordinis negotia. Nec minus iis; qui intimant mortem alicujus Fratris defuncti, scribet Decreta, quæ à Ministro & Congregatione ordinata sunt. Etiam Syndico intimabit, quando aliquæ expensæ facienda, vel eleemosynæ eroganda sint.

Tenebit Sigillum Tertiis Ordinis, dabitque litteras, seu obedientiales, seu licentiales à P. Guardiano, vel Visitatore & Ministro signatas, cum subscriptione propriâ; extra hendo ex libris Professionum, diem, mensem, annum, quibus professi sunt. Dabit librum Professionum, & investitionum P. Visitatori, ut ex eo calculum Fratrum extra hat, sciātque ubi habitent, & illi inde constet status Ordinis. Ita ut sint duo libri; alter penes Visitatorem; alter penes Secretarium. Et in eo, quem habebit Visitator, describentur Fratres in oppidis totius Guardianiae secundum suam antiquitatem. Et alter erit penes Ministrum in quolibet oppido.

OFFICIUM DISCRETORUM.

LIX Discreti erunt ad minimum sex, vel plures, pro exigentia necessitatis; secundum ordinationem P. Guardiani, & Ministri, juxta numerum Fratrum. Et procurabitur, ut sint magis graves, intelligentes, & zelosi, pro honore Dei & Ordinis promovendo. Quandoquidem in Congregatione Guardiani, Ministri, Visitatoris, Secretarii, & Discretorum consistit regimen totius Ordinis, & dare hanc ordinationem multis, foret deordinatio; dare vero omnibus confusio. Et quamvis omnes Discreti possint esse meri Sacerdotes, vel meri Laici; procuretur tamen; ut sint tot ex uno genere,

K 2

quot

quot ex alio, absque eo, quod sint dissensio-
nes, sed potius quis ex zelo boni commu-
nis mature discutiat, quid expediat præponi
in Congregationibus.

OFFICIUM ZELATORUM.

LX. **H**orum officium est respicere pruden-
ter, secretò, & charitatè, qualiter vi-
vant Fratres; vel quomodo observent Legem
Dei, Regulam, & Ordinationes. Sique aliquem
in his deficere compererint, admonere de-
bent Ministrum, ut de remedio provideat.
Notandum autem, ne zelent super mulieres
maritatas, id enim spectat ad Maritos earum.
Quod si de his speciale quid notetur? ad Vi-
sitatorem, vel Ministrum res deferenda est,
absque eo, quod ipsæ, vel mariti mone-
antur.

Zelator in oppidis majoribus, ubi non
habet notitiam hominum, accipiet registrum
Fratrum à Secretario, in sua Parochia, vel
vico habitantium, ut sic eos cognoscat, &
admoneat. Zelabunt etiam Zelatores super
Fratres externos, qui portant Habitum non
velatum, præcipue in Curiis, petentes testi-
monium de illis, quomodo se gerant ibidem.
Quod si non portent, moneant Ministrum,
ut provideat de remedio. Et illi, qui in ali-
quo loco morantur, excitabunt, & accen-
dant ad exercitia ordinaria reliquos Fratres
& Sorores. Zelator informationem capiet
Fratrum pauperum, & infirmorum sui di-
strictus, monebitque Ministrum, aut Infir-
marij majorem, ut iisdem succurrat, eis
que visitet. Juxta C. 14. Reg. providebitque,
ut alii etiam iis succurrant, & eos visitent.
Item monebit Fratres, ut funeralia comiten-
tur, Suffragia pro Defunctis recident. Si de-
prehenderit aliquos contentiosos, aut litigantes;
moneat Ministrum, ut eos in pace
componat. Juxta C. 10. & 17. Regulæ.

OFFICIUM SYNDICI.

LXI. **A**d manus Syndici devenient om-
nes eleemosynæ, sive petitæ, sive
sponte oblatae. Id est: tam illæ, quas præ-
scribit Regulae C. 13. quam illæ, quas ipsi
Frates inter se faciunt, pro piis operibus,
incarceratis, infirmis, Festivitatibus Sancto-
rum Tertii Ordinis celebrandis, & agendâ
memoriâ Defunctorum. Et quia pro petitio-
ne eleemosynarum, pro operibus piis, visa
sunt oriri quædam inconvenientia, credente
vulgo; eas peti pro Tertio Ordine, præci-
pimus, ut nemo propriâ auctoritate præsumat
petere eleemosynam, sine licentia P. Vi-
sitoris, vel Ministri; qui diligenter adver-
tant, quando Eleemosyna sit expendenda,
quæ ad manus Syndici deveniet, nec expen-
datur sine ordinatione Ministri, in scriptis
factâ per Secretarium.

Officium Vicarii Cultus Divini.

LXII. **A**d curam Vicarii Cultus Divini
spectant omnia, quæ circa Ca-
pellam, vel Altare dedicatum pro Tertio
Ordine occurrent. Curabit munditionem Altar-
aris, vel Capellæ, & ornamentorum; ita
ut in omnibus reluceat externus decòr, om-
nisque ad internam devotionem descendantur.
Petet à P. Guardiano Confessores pro Capel-
la, & à P. Sacrista Sacerdotes, qui Missas
celebrent, vel Particulas communicantibus
distribuant. Ad illum pertinet exornare Sanctum,
in processione circumferendum, eo
die, quo Sancti Festivitas agitur, præparare
tumulum pro memoria, & Festo Fidelium
defunctorum, & animarum in Purgatorio.
Item singulis diebus assistere in Capella, ap-
ponendo candelas, ornamenta, & anti-pen-
dia altaris, Festo convenientia, facésque
incendi

incendi solitas à Præfatione ad Communio-
nem , quæ autem figentur in duobus cande-
labris , vel manibus duorum Fratrum gesta-
buntur. Pro hoc ministerio autem servire
possunt candelæ oblatæ à noviter vestitis &
professis. Sed quia non semper potest assi-
stere Vicarius Divini Cultūs , denominabun-
tur sex Sacristæ (plūs vel minūs , secundūm
dispositionem loci) qui eidem permanenter
assistent , tam in ornanda capella , quām in
aliis rebus conservandis ; attendendo & pro-
curando , ut omnia tam in Congregationi-
bus generalibus , quām particularibus præ-
viè rite sint disposita , ut cum devotione &
silentio peragatur Communio. Pro cura au-
tem & assistentia conceditur Vicario Cultūs
Divini , ut habeat votum in Congregationi-
bus , & Electionibus tanquam Discretus.

OFFICIUM INFIRMARII.

LXIII. **I**nfirmarius major omnino sit Sa-
cerdos , si inveniatur. Si verò non
inveniatur , sit senex Frater professus , & ex-
emplaris vitæ , qui cum charitate Fratres
infirmos , & Sorores visitet ; illis suadendo ,
ut se Deo reconcilient , conscientiam dispon-
nant , iis in necessitate consilium , & opem
ferat. Procuret , ut condant testamentum ,
si id neandum fecerint. Juxta C.9. Regulæ.
Sique infirmus indiquerit , admoneat Mini-
strum , ut eidem succurratur ex communibi-
bus eleemosynis Ordinis , donec sanitatem
recuperarit. Quod si infirmus moriatur , mo-
neat Confratres & Sorores de ejus obitu , &
assistentia in sepultura ; ut Fratres recitent re-
citanda , faciantque diligenter , quæ circa
hanc obligationem præcipiunt Regulæ &
Constitutiones.

Constituantur etiam 4. vel 6. Infirmary
minores , pro dispositione loci , & numero
Fratrum , inter quos oppidum per quadran-

tes distribuatur. Quorum officium erit
admonere Infirmary majorem , Minis-
trum , aut Visitatorem , vel Fratres omnes ,
ut infirmos successivè visitent , & consolen-
tur , iisque succurrant.

Convenit etiam in quibusdam locis esse In-
firmarias majores , seu personas alterius
sexūs [sub hoc titulo] infirmorum obsequia
deputatas. Et Infirmarias minores ; licet ubi-
que non expedit. Quæ tamen omnia judicio
P. Guardiani , & Ministri relinquuntur.

De Electionibus Ministri , & Officialium.

LXIV. **Q**uandoquidem maxima foret con-
fusio recipere pro Electionibus vo-
ta omnium Fratrum ; præcipitur , ne quis in illis
votum habeat , præter eos , qui in Congrega-
tionibus voto gaudent. Videlicet : Minister ,
Discretus , Secretarius , Syndicus , Vicarius
Cultūs Divini , Infirmarius major , & omnes
illi , qui olim fuerunt Ministri , ac Visitatori ,
licet in Congregatione præsideat P. Guar-
dianus.

Ad electiones congregabuntur in loco ali-
quo conveniente , ubi flexis genibus devoutè
invocabunt gratiam Spiritus S. recitando
Hymnum : Veni Creator . &c. cum Oratio-
ne de Spiritu S. B. Virgine ; & S. P. Francis-
co. Omnibus jam ordine suo confidentibus
P. Guardianus , vel quisquis præsidet , faciet
brevem exhortationem de gravitate , & ne-
cessitate hujus Congregationis ; utque ordi-
nentur omnia ad bonum commune tot ho-
minum , Dei obsequium , & salutem ani-
marum ; oneretur Conscientia omnium , quo-
rum est votum dare , & eligere , ut conjiciant
oculos in Deum , consentiantque in personas
majoris talenti , meriti , spiritus , ac devotio-
nis ; & in omnes illos : qui magis habiles
sunt ad Ordinis officia. Quique illa velint
suscipere ad laborandum , absque eo , quod
k 3 sub-

subintret ambitio, vel alia sinistra intentio, præterquam unius Dei servitium. Nemo autem turbetur, alteretur, vel contendat, quia unus dat votum alteri differenti; siquidem quilibet præsumere potest ac debet, alium hoc facere, quod sibi incumbit, nempe ad unius Dei honorem, & obsequium, Salutemque animarum. In votando quilibet votum suum dabit in scedula scriptum V. G. *do Votum meum pro Officio Ministri, Secretarii*
&c. N. N. eique suum nomen subscrivet, sique disponet, ut videri, & legi queat nomen personæ, cui votum datur; nomen verò dantis clausum operietur hostiæ sigillo. Vota incipient à Junioribus; ultima erunt P. Guardiani, Visitatoris, Ministri, & Coadjutoris, quæ vota recipientur in vase ad hoc deputato; missisque votis omnibus in vase deputatum, regulabuntur scedula secundum vota, ne sint plures, vel pauciores.

Præses cum Ministro, & Secretario congregabunt seorsim; & Secretarius describet vota cujuscunque. Ille verò, qui vel unum votum habuerit ultra medietatem, canonice erit electus. Si duo, vel tres vota habuerint æqualia, ideoque electio non fuerit canonica; fiat secundâ, vel tertîâ vice scrutinium, votaque repetantur modo, quo priùs. Si nec sic vota, convenienter, præcipiat Præses, ut de duobus vel tribus, qui plura vota habuere, aliud novum scrutinium habeatur. Quod si & tunc vota prodeant æqualia; mittantur sortes. Et qui forte evicerit, confirmabitur in Ministrum. Idem faciendum in Electione Coadjutoris, & Discretorum, ubi fuerit necessarium. Et quilibet Elector dabit scedulam continentem nomina eorum, qui sibi magis idonei ad Propositum videbuntur, cui propriâ manu subscrivet, clausamque subscriptionem tradet. Quamvis id in multis partibus fiat per Conferentiam, uno circiter mensa ante Electionem; quem in finem describet

Secretarius nomina Fratrum seniorum, sive Ecclesiasticorum, sive Sæcularium & eorum, qui nondum fuerunt Discreti, & Officiales; ut [ubi sunt magnæ Communitates, & ubi non est mutua notitia] cognosci, & notitia haberi possit omnium Subjectorum ad officia aptorum. Nomina verò libris inscribi debent, ut constet esse Fratres, & plures esse, ex quibus Electio fieri possit.

Notandum, in Electione Discretorum debere manere duos illorum, qui antè fuerunt; ut in Congregationibus suggerant notitiam eorum, quæ antecedenter tractata sunt. P. Guardianus, aut Visitator procedent cum omni prudentia, omnia disponendo, prout iis videbitur expedire. Factæ Electioni subscriberit P. Guardianus, Minister Officio defunctus, & Secretarius; omnique reponentur in diem sequentem, quo fiet confirmatio juxta dicenda infra.

*De Confirmatione Ministri, & Officii
 lium, & de Capitulo annuo.*

LXV. **Q** Uolibet anno (statutâ die) servabitur Capitulum, ad quod nominatim convocabuntur omnes Fratres, ob infirmitatem, aut distantiam loci non impediti. Omnibus jam de more congregatis, & suo loco sedentibus, genu-flexi dicent Hymnum: *Veni Creator.* &c. cum Versibus, & Orationibus de Spiritu Sancto, B. Virgine, & S. P. N. FRANCISCO. Quibus à P. Guardiano, vel alio majore Prælato dictis sedere possunt, & Præses bonum habeat Sermonem de observantia Regulæ, animetque omnes, ut per obedientiam acceptent sua officia, pro amore Dei, & proximi in iis fideliter laborando. Sermone peracto vocabit ad se Ministrum Officio absolvendum, qui ante Præsidem genu-flexus pro negligentius in Offi-

Officio commissis Pœnitentiam peter. Præses verò eidem vel agat gratias pro exantlatis in Officio suo laboribus , vel pro incuria salutarem det admonitionem. Deinde acceptâ Prælati Benedictione suo sedebit loco. Postmodum cum Officialibus reliquis Prælatus eodem procedet loco. Quibus finitis P. Guardianus monstrabit Tabulam Electionis pridie à Secretario confectam , quam altâ & clarâ voce præleget , hoc modo : In Nominе Patris Dei omnipotentis , & Filii , & Spiritū Sancti, Trium Personarum , & unius Dei, purissimæ Virginis MARIAE , Matri , & Dominae nostræ sinè peccato originali conceptæ, & Seraphici Patris nostri FRANCISCI , hæc est Electio ; quæ in hoc Conventu N. facta est Anno N. Mense N. Die N. per R. P. Guardianum, vel Visitatorem , & per Dominum N. N. Ministrum , & per Congregationem Discretorum, & Officialium , qui hoc anno fuerunt. In qua electus est in Ministrum Dominus N. in Discretos ex Ecclesiasticis N.N.N. ex Sæcularibus N.N.N. in Secretarium N. in Syndicum N. in Vicarium Cultus Divini N. in Infirmary majorem N. in Ze- latores N.N.N. Lectâ Electionis Tabulâ Minister Neo-Electus accedit Præsidem , qui ei- dem genu-flexo recommendabit Ordinem, cùmque confirmabit , & ad lævam suam se- dere faciet in Sede , quam Minister ejus Antecessor occupaverat. Deinde novi Discreti, & Officialies Ordinis accedent similiter Præ- sidem , quibus sedulitatem & vigilantiam in suis respectivè officiis commendabit , eōsque confirmabit. Tandem Cantores , vel Sacer- dotes intonant Hymnum : *Te Deum &c.* Et duo Cantores *Vers.* Confirma hoc Deus. *Resp.* Quod operatus es in nobis. Et Præses stans dicet *Vers.* Post Partum Virgo invio- lata permanisti. *Resp.* Dei Genitrix intercede pro nobis. *Vers.* Signâsti Domine servum tuum FRANCISCUM. *Resp.* Signis redem-

ptionis nostræ. *Vers.* Dominus vobiscum. *Resp.* Et cum Spiritu tuo.

OREMUS.

DEUS , qui corda Fidelium S. Spiritus illustratione docuisti ; da nobis in eodem Spiritu recta sapere , & de ejus semper consolatione gaudere.

Concede nos Famulos tuos , quæsumus, Domine Deus , perpetuâ mentis & cor- poris sanitatem gaudere, & gloriosâ B. MARIAE semper Virginis intercessione à præfenti libe- rari tristitia, & æternâ perfici laetitiâ.

Deus , qui mira Crucis Mysteria in B. P. N. FRANCISCO Confessore tuo multiformiter demonstrasti : da nobis, quæsumus , devotionis suæ semper exempla se- ctari, & assiduâ ejusdem Crucis meditatione muniri.

A Gimis tibi gratias , omnipotens Deus, pro universis beneficiis tuis. Qui vivis & regnas in æcula æculorum. *Vers.* Bene- dicamus Domino. *Resp.* Deo gratias.

Postmodum omnibus suo loco sedentibus, Secretarius reddet rationem summariam om- nium, eodem anno perceptorum, & expenso- rum pro Fratribus infirmis, Pauperibus , in- carceratis, Sepulturâ , & funeralibus Defun- ctorum , aliisque charitatis & fabrica operi- bus ; ut constet omnibus de fidelitate in ex- positis eleemosynis , sicutque omnes animen- tur, & excitentur ad plures eleemosynas, & alia charitatis officia præstanta. Item legetur nu- merus omnium eodem anno Vestitorum, Professorum , Defunctorum ; admonendo singulos , ut fideliter pro iis recitent omnia, quæ Regula præcipit. Si verò quis Suffragia hæc recitare non potuerit, commutet Præses in Sacra pro defunctis Confratribus legen- da. Deinde cantato Responsorio : *Ne re- corderis. &c.* pro defunctis Fratribus subdat

Præ-

Præses : Pater noster.&c. Et ne nos inducas in tentationem. *Resp.* Sed libera nos à malo, *Vers.* à porta inferi. *Resp.* Erue Domine Animas eorum. *Vers.* Requiescant in pace. *Resp.* Amen. *Vers.* Domine exaudi Orationem meam. *Resp.* Et clamor meus ad te veniat. *Vers.* Dominus vobiscum. *Resp.* Et cum Spiritu tuo. *Oremus.* Deus veniae Largitor.&c. Fidelium Deus.&c. *Vers.* Requiem æternam dona eis Domine. *Resp.* Et lux perpetua.&c. *Vers.* Requiescant in pace. *Resp.* Amen.

Quibus peractis, datò signò, Præses dissolvet Capitulum. Secretarius autem suo loco & ordine describet omnium Electorum nomina, subscribente P. Guardiano, Ministro, Visitatore, & Secretario. Et hæc Scriptura ponetur loco publico; ut quivis videre possit obligationem suam. Eritque alia Tabula, in qua annotabuntur nomina omnium Defunctorum; ut Vivi pro iis Suffragia praescripta recident.

*De Visitatione, & Correctione
Delinquentium.*

CAPITULUM XVI.

LXVI. **M**inistri Fratres omnes, & Sorores, civitatis vel loci alicujus ad visitationem communem in loco quodam religioso, vel Ecclesia (ubi talis locus prædictus contigerit deesse) convocabunt. Habeturque Visitatorem Sacerdotem ex aliqua Religione approbata, qui iisdem pro excessibus commissis salutarem Poenitentiam injungat; nec quisquam aliis poterit hoc visitationis officium exercere. Quia verò præsens vivendi Forma à B. P. FRANCISCO institutionem sortita est; consulimus: ut Visitatores, & Informatores de Ordine Fratrum Minorum assumantur, quos Custodes, seu Guardiani desuper requisiti designabunt.

Nullatenus tamen volumus Congregatiōnem à Laïco visitari. Visitationis officium semel in anno exerceatur, nisi pluries necessitas requireret. Delinquentes, & inobedientes ter admoneantur, qui si reperiantur incorrigibles, de Ordine excludantur cum consilio Discretorum.

STATUTA CAPITULI XVI.

CUrabunt Patres Provinciales in singulis Provinciis, & Guardiani in suis Guardianiis, ut in quolibet Conventu designetur aliquis Visitator, qui sit Exemplaris Prædicator: non tantum; ut Fratres omni virtutum genere instruat, devotionem, aliisque pietatis exercitia doceat; verùm etiam, ut monitus à Ministro, & Zelatoribus, aut per se, culpam Fratris aut Sororis delinquentis cognoscens, illum charitatib[us] admoneat. Quòd si hac admonitione non fuerit emendatus, moneat eum P. Visitator, juxta S. Evangelium, secundâ vice, præsente Ministro, & alio Fratre, ut dictum ad C. 3. Regulæ. Si Frater, vel Soror Habitū spoliatur, id inter Fratres, & Sorores publicabitur, talisque ob inobedientiam suam, & contumaciam, non est amplius S. P. N. FRANCISCI filius, nec ve-
luti indignus audeat portare Habitum Ordinis, in & cum quo tot animæ Salutem sunt consecuta. Si is, qui gestavit patenter Habitum, fuerit rebellis in eo deponendo; per Notarium aliquem intimetur ipsi Provisio Regia Philippi IV. virtute cuius poterit implorari auxilium Justitiæ secularis. Originale hujus provisionis asservatur Madriti in Archivio Tertiī Ordinis & infra citabitur Bulla Urbani VIII. quæ adhuc est efficacior ad illum Habitū spoliandum, qui eundem portare vellet discovertum sive licentia, & contra voluntatem Superiorum Ordinis.

Rmus P.F. Archangelus de Messina Minister Gen.

VINEA

Gen. totius Ordinis Statuta condidit pro hoc Ordine, ut constat ex literis ejus ad universam Religionem expeditis ex Conventu S. Joannis Regum Tolet. 1609. 19. Jul. quæ postmodum approbata sunt à Capitulo Gen. Segoviae 1621. in quibus ordinatur: quod Institutum Tertiī Ordinis publicetur per omnes villas, & loca; in quibus non sunt Conventus. Et quilibet Guardianus mittet ad loca districtūs sui [ubi non fuerint Conventus] Religiosum aliquem devotum, qui ad tempus habebit Commissionem dandi Habitum illis, quos idoneos invenerit, præviis tamen informationibus, prout ordinatur in Regula. Et in locis (in quibus fuerint Vicarii Monialium) dabitus iisdem hæc Commisso, dandi aliis Habitum, & sumendi informationes. In iisdem Statutis etiam datur facultas Guardianis, in omnibus Guardianiæ suæ locis personas ad Habitum, & Professionem assumendi, absque eo, quod exspectent novam auctoritatem a suis Provincialibus. Item secundum Regulam possunt designare Visitatores hujus Ordinis; si que velint, poterunt per seipso visitare. In locis autem remotioribus, si ibidem sint Parochi Confratres, poterit iis dare commissionem, sumendi personarum informationem, eisque Habitū vestiendi. Eadēmque commissio poterit dari F. Prædicatori ad ea loca excurrenti, semper iis præscribendo: ut de omnibus accuratam dent rationem. Inhibetur autem in iisdem Statutis omnibus Fratribus; ne Communitatē aliquam instituant. Permititur tamen iis, ut faciant Congregationes C. 14. relatas. Itaque in pagis poterunt Fratres & Sorores solicitare, ut Sacerdos aliquis a P. Guardiano petat, & impetrat suam auctoritatem illis assistendi, ut Visitator Religiosus assistit Fratribus in oppidis, in quibus sunt Conventus; poteruntque similiter suas Congregationes & Electiones Officiorum facere. Nihilominus ad Visitato-

Vinea Seraphica.

SERAPHICA.

81

rem Religiosum pertinet singulis annis visitare Fraternitates Tertiī Ord. per totam Guardianiam, si ipse Guardianus id recusat. In Ecclesiā verò FF. Minorum functionibus & exercitiis suis deputatā lucrabuntur Jubilæa, & Indulgētias Ordinis immediate, vel per participationem, Filiis Tertiī Ordinis, eorumque Ecclesiis, & Capellis concessas.

De vitandis litigiis inter se, & cum aliis.

CAPITULUM XVII.

LXXVII. **V**itent Fratres & Sorores pro posse, inter se, & cum aliis litigia, & contentiones. Quas si excitari contigerit, pacificè conentur eas diri mere; alioquin coram illo responsuri (responsuræ) penes quem de Jure, eas dirimendi, potestas resideret.

Statuta Capitulo huic addenda non occurunt. Qualiter, & à quibus dispensari possit in Abstinentia?

CAPITULUM XVIII.

LXVIII. **O**rdinarii, aut Visitator cum Fratribus omnibus, & Sororibus, ex causa legitima, in abstinentiis, jejuniis, & aliis austерitatibus [cùm expedire judicaverint] dispensare poterunt.

STATUTA CAPITULI XVIII.

Quantumvis Regula dicat, ut dispense tur in jejuniis, cum iis, qui non possunt jejunare; injungimus tamen P. Guardianis, (qui sunt Ordinarii, de quibus hoc Capitulum loquitur) & Visitatoribus, ut abstinentias, & jejunia commutent in alia charitatis opera V. G. pro Defunctis orare. Missas audire. Eleemosynas dare. Poterunt etiam jejunia commutare in eleemosynam quolibet mense dannam; ut dictum C. 14. Regulæ, fieri posse pro aliis piis operibus in Regula præceptis.

L

CON-

*De publicis Defectibus, & Transgessio-
nibus Visitatori denuntiandis.*

CAPITULUM XIX.

LXIX. **M**inistri publicos defectus, & trans-
gressiones Fratrum, & Sororum
Visitatori denuo nient punienda. Si verò quis
incorrigibilis inveniretur; post trinam admo-
nitionem debito tempore à Ministris factam,
de Discretorum Fratrum aliquorum consilio,
Visitatori denuntietur, ex Ordine, & Fratrum
aliorum societate eliminandus, quod (ut om-
nibus palam de ejus eliminatione constet) in
sequente Congregatione publicabitur.

*Capitulum hoc per se clarum est, Statu-
tis non indiget. Quod in predictis om-
nibus nemo ad culpam mortalem
obligetur.*

CAPITULUM XX.

LXX. **C**æterum in præmissis omnibus, ad
quæ Fratres Ordinis vestri, non
vi Statutorum Ecclesiæ, vel Mandatorum Dei
tenentur, nullum ipsorum ad mortalem cul-
pam volumus obligari; sed impositam sibi
à Superioribus pœnitentiam pro transgessio-
nis excessu quisque humiliter acceptet, &
efficaciter studeat adimplere.

Nulli ergo omnino hominum liceat hanc
paginam nostri Statuti, & Ordinationis in-
fringere, vel ei ausu temerario contraire.
Si verò quis id attentare præsumperit? in-
dignationem omnipotentis Dei, & B.B. Pe-
tri & Pauli Apostolorum ejus se noverit in-
cursurum. Datum Reate 16. Kalend. Sept.
Pontificatus nostri anno 2.

STATUTA CAPITULI XX.

Denique pro securitate conscientiarum,
quiete animarum, sedatione scrupulo-
rum, dilatatione cordium, Ordinis Tertiij

de Pœnitentia incremento, & observantia
meliore hujus Regulæ summus Pontifex
Nicolaus IV. & reliqui Pontifices ejus Succes-
sores usque in hodiernum diem dicunt, &
unanimiter declarant: quod in transgres-
sione hujus Regulæ, Praeceptorum, & Sta-
tutorum nolint Professores ejus ad culpam
mortalem obligatos esse; nisi alias ex Prae-
ceptis Dei, aut Ecclesiæ obligentur; sed tan-
tum, ut recipiant, & humiliiter adimpleant
Pœnitentiam pro Regulæ transgressionibus
injunctorum. Nec his contradicunt verba Pro-
fessionis, quibus dicunt: *Voveo, & pro-
mitto Deo omnipotenti. &c.* Quia hoc non
est votum strictum, & in rigore, sed quod-
dam Propositum firmum observandi Mandata
Legis Divinæ, ad quæ observanda omnes
Fideles adstringuntur; & per hanc Regulam
nihil ei additur. Id enim expresse Pontifex
dicit in hoc ultimo Capitulo, declarans vo-
luntatem, & intentionem suam. Eadémque
fuit voluntas & intentio Seraphici Patris no-
stri; hanc ipsam tenent Praelati Ordinis, ip-
séque (qui ad Professionem admittit) sic sen-
tit; qui etiam moneat Pœnitentem, ut ean-
dem habeat intentionem, non subjiciendi se
ipsum novæ obligationi alicujus peccati. Vi-
de dicta ad Capitulum 2.

Hæc sunt Statuta pro Tertiariis sacerdotalibus
utriusque sexus disposita, excerpta ex Spe-
culo Seraphico; sūntque eadem illa, quæ
sua Sanctitas *Innocentius XI.* in Brevi: *Eccle-
siæ Catholicae*, specificè confirmavit, &
Innocentius XII. observari præcepit in
Rubricis particularibus Breviarii Francif-
cani. n. 181. sicutque hodie dum in omnibus
Hispaniæ & Italiae partibus accuratè ob-
servantur; quantumvis extra has regiones
non tam strictè sint in usu.

F I N I S
Regulæ & Statutorum Tertiij Ordinis de Pœ-
nitentia nuncupati,

CON-

CONCESSIONE

INDULGENTIARUM.

à Summo Pontifice Clemente V.
Fratribus & Sororibus III. Ordinis de
Pœnitentia datarum ; quoties semel
in mense audiērint lectionem
Regulæ , vel ejus expli-
cationem.

Clemens Episcopus. Servus servorum Dei.
LXXI. **D**ilectis in Christo Filiis , & Filia-
bus , Fratribus & Sororibus Ve-
nerabilis Tertiæ Ordinis de Pœnitentia ; Salu-
tem , & Apostolicam Benedictionem.

Cùm illuminatum sit cor nostrum , & il-
lustratum Spiritu S. cum affectu devoto , &
pietate , concedendi liberaliter , & donandi
cum prompta manu beneficia locis piis , &
devotis personis , specialiter dilectis Fratri-
bus , & Sororibus Ven. Tertiæ Ordinis S. Fran-
cisci , in omni parte terrarum ; ubi degunt ;
in quali Ordine certò reperiuntur multa bene-
ficia pro salute animarum. In respectum tanti
Ordinis totum mundum illuminantis , ad di-
cti Ven. Ordinis majorem exaltationem , &
honorem , virtute præsentium literatum ,
manifestum sit omnibus Fratribus & Sorori-
bus dicti Ordinis ; quod omni vice , quan-
do convenient in simul , saltem quoad ma-
jorem numerum , in uno deputato loco , &
ibidem legitur dicta Regula , vel de ista Re-
gula fiat memoria vel mentio etiam Peregrini-
nis , & Extraneis , qui non sunt de ista Regu-
la ; considerando illorum Merita : conce-
dimus ex jugi fonte divinæ gratiae 560. die-
rum Indulgentias , pro singulis , unâ vice , in
mense ; quando lecta erit ista Regula . Da-
tum Burdigalæ in Francia . die 8. mensis Maii .
1305. Pontificatus nostri anno 2.] Hoc Bre-

ve invenitur apud P. Auda de Lantosca , Idio-
mate Italico . fol. 34. de Reg. 3. Ord.

Calendarium Festorum.

Quo Tertiarii ad Divini Officii reci-
tationem uti solent , prout habetur
in Libris & Directoriis Ecclesiasticis ,
in specie in Directorio 3. Ord. R. P.
Francisci Diaz. impresso Romæ &
approbat 1688. & Capitulo Ge-
nerali præsentato.

Præscribitur Officium.

- LXXII. **B**. Ludovicæ Albertoniae Vid. Du-
plex . 31. Janua. fuit Tertiaria.
B. Viridianæ Virg. Duplex. min. 1. Februa.
fuit Tertiaria.
B.B. Petri & Sociorum ejus 17. Martyrum
Tertiæ Ord. Duplex 2. Clas. 5. Febr.
S. Conradi Confessoris dupl. majus 19. Febr.
fuit ex Tertio Ord.
S. Coletæ Virg. dupl. maj. 6. Martii. fuit
olim Tertiaria.
S. Rosæ Virg. dupl. min. 8. Martii. ex Tertio
Ordine.
S. Franciscæ Viduæ. Dupl. min. 9. Martii. fuit
quondam Tertiaria.
S. Angelæ Fulgin. vid. Dupl. maj. 30. Mar-
tii. fuit ex Tert. Ord.
S. Lucii Confess. Dupl. maj. 15. April. fuit
ex Tert. Ord.
S. Ionis Confess. dupl. 2. clas. 19. Maj. fuit
ex Tert. Ord.
Translat. S. Elzearii Confess. Dupl. min. 18.
Junii.
S. Elisabeth Vid. Reginæ Portugal. Dupl. maj.
4. Julii. fuit Tertiaria.
S. Rochi Confess. Dupl. maj. 16. Aug. fuit
ex Tertio Ordine.
B. Claræ de Monte Falc. Dupl. min. 18. Aug.
fuit olim Tertiæ Ord.

L 2

S. Lu-

- S. Ludovici Regis Franciæ. Ordinis Patroni.
Dupl. primæ class. 25. Aug. cum Octava. fuit Tertiarius.
Translat. S. Rosæ. Dupl. 2dæ class. 4. Septemb. cum Octava.
S. Elzearii Confess. Dupl. 2dæ class. 27. Septemb. fuit ex Tertio Ordine.
S. Birgittæ Viduæ. Dupl. min. 8. Octob. Olim fuit Tertiaria.
Translat. S. Ivironis. Dupl. min. 27. Octob.
S. Salomææ. Reginæ Galliciæ. Duplex min. 17. Novemb. fuit Tertiæ Ordinis.
S. Elisabeth. Vid. Reginæ Hungariæ Duplex 1. class. cum Octava. 19. Novemb.

C A P U T XVII.

De Modo ad Habitum & Professionem admittendi.

LXXXIII. **S**uperior, vel Sacerdos ab eodem deputatus, exposito Venerabili, ante altare intonare solet Verbum: *Tantum ergo Sacramentum.* Respondentibus Tertiariis. Quo finito Sacerdos Sponsum, vel Sponsam, in scamno prius ad hoc decenter præparato genuflexam accedit, & aqua benedicta conspergit; tradens ei in manu dextera Crucifixum, dicens: *Qui vult venire post me, abneget semet ipsum, & tollat crucem suam, & sequatur me.* Deinde in manu sinistra Cereum accensum, dicens: *Sit lucerna ardens in manibus tuis, ut abiicias opera tenebrarum, & induaris arma lucis. In Nomine Patris. &c.* Denique incipit Sacerdos cantare: *Veni Sponsa Christi. &c.* Quæ Antiphona ter à Tertiariis repeti potest; quâ finitâ celebratur Sacrum, usque ad Evangelium. Quo finito conversus ad Sponsum vel Sponsam Sacerdos querit: quid petis? cui respondet. Reverende Pater, Venerandi Confratres, & dilectissimæ Sorores: pe-

to per amorem Dei, Habitum Probationis Tertiæ Ordinis S. P. N. FRANCISCI, ad Domino Deo melius serviendum, servando Regulari, & sancta Dei Mandata.

Factâ hac petitione succinctum & spiritualem Sacerdos habet Sermonem, quo perfecto denuo querit: an in petitione factâ, & intentione sancta Sponsus (Sponsa) constans permaneat? quo [quâ] annuente, reponit Sacerdos: orabimus ergo [quotquot hic præsentes adsumus] Deum omnipotentem, ut tibi gratiam Spiritus S. infundere, te in bono Proposito, operéque pio ac laudabili, quod inchoare desideras, confortare dignetur. & statim ad Altare genuflexus Litanias sequentes clarâ & intelligibili voce intonat cunctis respondentibus.

LITANIÆ

Pro Nostris ex Apostolico Indulso rite dispositæ.

Kyrie eleison. Christe eleison.
Kyrie eleison.

Christe audi nos. Christe exaudi nos.
Pater de cælis Deus. Miserere nobis.
Fili Redemptor mundi Deus. Miserere nobis.
Spiritus S. Deus. Miserere nobis.
Sancta Trinitas unus Deus. Miserere nobis.
S. Maria. Ora pro nobis.
S. Dei Genitrix. ora pro nobis.
S. Virgo Virginum. ora pro nobis.
S. Michaël. ora pro nobis.
S. Gabriël. ora pro nobis.
S. Raphaël. ora pro nobis.
Omnes sancti Angeli & Archangeli. Orate.
Omnes sancti BB. Spirituum Ordines. orate.
S. Joannes Baptista. ora pro nobis.
Omnes Ss. Patriarchæ & Prophetæ. orate.
S. Petre. ora.
S. Paule. ora.
S. Andrea. ora.
S. Ja-